

晚晴移詩匯

晚晴移詩匯卷一百五十六目錄

崧駿 二首

陳銛 一首

汪熙 一首

汪承慶 三首

潘觀保 三首

石中玉 四首

徐錦 四首

嚴咸 二首

秦臻 四首

曹壽銘 十一首

李文田 九首

黃錫彤 五首

陳倬 四首

蔡琳 二首

嚴辰 二首

周光祖 二首

于蔭霖 二首

龔易圖 十二首

英啟 二首

高心夔 三十三首

晚晴移詩匯卷一百五十六

徐世昌

崧駿字鎮青滿洲旗人咸豐戊午舉人官至浙江巡撫

詩話鎮青尊人鶴皋都轉忠廉典鏗兩淮緣事罷官
下獄後得雪鎮青與弟錫侯制軍崧蕃勤苦砥礪卒
自樹立弟兄同時領節鉞鎮青撫蘇浙有惠政在浙
值水災治工賑全活甚衆而奏乞免漕民尤感其惠
及卒於官闕吳山海會寺傍室爲祠祀焉

題潘繹序學使同年西園涉趣圖

緝雅堂開宴公餘偶詠觴吟君珠玉集笑我簿書忙徑竹
朝煙潤池蓮曉露香文星嘗駐節咫尺近宮牆

竹樹晝沈沈名園靜綠陰兩番勤露冕獨樹滌塵襟化雨
涵濡意家山去住心他年圖畫裏鴻雪跡重尋

陳銛字子改錢塘人咸豐戊午舉人官內閣中書有碧

蘿庵詩鈔

南歸宿王村

長安居不易匹馬出南圻
遠水兼雲度孤禽背日飛
江鄉森戰壘村舍靄林霏
向夕暫投轡魂銷游子衣

汪熙字慧生吳縣人咸豐戊午賜舉人官內閣中書有
親籀詩草

重游無隱贈鹿苑

爲訪遠公去筇支石徑斜
林風戰枯葉巖日曝寒花
石古重摹字泉甘試淪茶
尋春雖有約我欲泛銀槎

汪承慶字穉泉鎮洋人咸豐戊午副貢官國子監博士
有墨壽閣詩集

鐵佛寺看竹

顛厓望屣屨曲碕厯窳窳暉暉金碧光古剎嵌林表入門
心字清四面琅玕繞新粉漬幽篁芳苞圻叢篠十萬青鸞
尾排空勢天矯涼翠滃作雲壓此一亭小年深花飈多境
靜塵馬少拂檐聲颯颯白蝠大如鳥靈旛閃牆陰夕磬飛
木杪山鬼來窺窗虛籟天風嫋

喜雨

殷雷向晚忽喧闐頃刻溝塍似湧泉風勢挾潮知有海雲
容翻墨欲無天芋田葉潤蜻蜒立稻隴花香牯牯眠擬約
村翁餐脫粟溼薪幾處滃炊煙

訪師白丈於帆山寓舍劇談竟夕感而有作

相逢訝消瘦執手淚先傾卽此通宵話難窮隔歲情孤燈
搖旅夢落葉走秋聲明發又言別帆山翠色橫

潘觀保字辛芝吳縣人咸豐戊午舉人歷官河南彰衛
懷道有鵲泉山館詩

山居述懷

招呼樵侶白雲坳巖塢林深翠欲交一徑桑陰蠶上簇幾
家梅雨燕成巢邊城烽燧驚飛檄身世江湖歎繫匏小隱
林泉終有願要留佳處待編茅

檢校草堂花事

石壁藤蘿引蔓斜茅堂終日對煙霞剪裁入格疏疏柳幽
靜宜人澹澹花圃有餘閒添竹石詩成雜詠半田家山廚
供饌多風味更喜鄰翁餉筍芽

袁江道阻南歸感成

荷權歸來欲暮天未秋簾幙已成煙桃花泣露無情豔柳

絮團風不肯圓極目關河疑昨夢斷腸情緒最今年平生
愧說劉司戶一樣飄零絕可憐

石中玉字蓮舫嘉興人咸豐戊午舉人官富陽教諭有
蘊真堂詩集

題趙桐孫銘鴻爪集

一字一行淚奇詩亂逼成刀邊逃黑劫灰裏弔蒼生抑塞
憂時志悲涼變徵聲長歌爲擊節罷酒涕交橫

悼亡潘岳賦憶弟杜陵詩百感逢秋集孤吟有夢知寓公
嗟落窶病骨枕支離余亦同枯寂蕭蕭換鬢絲

掩卷忽不懌爲君拂素琴荒村風雪夜何處得知音烽火
遷延久家園感慨深壁間一長劍遙和作龍吟

富陽春興

曉郭桑陰翠輦鋪丹青別補大癡圖階前蝴蝶春深淺江
上鱗魚信有無蘭箭晨抽香露溼茗旗晴展嫩雲扶畫長
吟罷渾無事祇合垂綸侶釣徒

徐錦字瀛臣號蘭史嘉興人咸豐戊午舉人有靈素堂
遺藁

趙樹孫曰蘭史治舉業才氣橫溢不主故常歲戊午
以第一人舉於鄉益肆力於古詩瑰麗似義山奇拔
似長吉歌行跌宕淋漓善學太白尤擅勝場性孝謹
遇寇亂遭父喪避地奉母悲咤不自聊遂卒年二十
九

罄陽道中

山光不宜近刻露愁太洩護以煙樹蒼窈窕態奇絕衰雲
堆鳥外穉日吐林缺客車屢沿轉樵路通屹囓疏鐘斷易
沈遠村明復滅迴峰似螺旋下有筑泉列人面沐晨霏馬

蹶蹶冰裂始知入山深山外固未雪牽蘿懷美人瓊想互
縈結聳肩時一吟唳雁共淒切

章夏

前山鳳迴翔後山龍騰踊偃仄盤綫路俯視神一悚路轉
巒西迴林霏隔溪滃振策朔風勁潑面寒霧重吞日嶺中
裂扶崖雲四擁欲落不落勢石骨與秋聳匹馬踏之上全
山綠俱動輪轅走詰屈出險可賈勇駐轡定驚魂罡飈吹
從從夕陽迫崦嵫炊煙起遙隴

沂州望蒙陰諸山

好山半不名背郭互起伏停鞭一迴望始知山色綠高樹
搖殘霏幽筠媚新沐陽岫竄驚雉陰崖走跂鹿崇睇渺蘭
坂陂轉礙曠囑煙霞繚其外不辨巖與谷微聞溪澗聲急

溜奏琴筑安得郭熙筆皴碧入綃幅

送楊利叔孝廉象濟之楚中

躍馬衝寒復此晨鷓鴣嘯罷雨如塵關山險處難行路痛哭書中老此人身在未孤三尺劍檄成曾泣兩河民知君借箸征西幕寄語嫖姚勉拊循

嚴咸字受安潯浦人咸豐戊午舉人有受庵詩鈔

詩話受安以名家子負備才不可一世得狂易疾以率湘潭王王秋爲作傳一時傳誦其夜雪集論詩絕句於受安有搥碎湘綺樓之句推服尤至遺詩亦王所刊實未成其業也

清浪灘

晨瘴鬱林表山川澹如滋湍迴石欲動流驚舟已飛桂棹鼓清波荷衣飄曾颺翩翩瞻神鳥萋非翫春蕙塞芷將有贈濯纓此其時遐想孺子歌屢動王孫思索幽神有會履

險心反夷始悟涉川者忠信洵堪持

懷伯常向十八

空翠清秋色蒼茫萬里心遙知湘水廣不及客思深賈誼
將陳策昭文獨鼓琴石亭一揮手風雨到而今

秦臻字苴風金匱人咸豐戊午舉人有冷紅館賸橐

虞山記游

空香來微茫鳥語不知處偶隨磬韻尋梅花落無數薄薄
花生煙滴滴花含露道心相與淡無言獨自悟快意登層
樓遙看海山暮雲煙法席開日月禪龕護山僧頗不俗與
花同寒素一心懺佛緣勿令風號怒留此峯頭雪好索幽
人句

約茗龍縫泉用山谷謝黃司業寄惠山泉韻

且耳余言曰六一三三三
偶持喬雲小蒼璧
相約試泉不用書
山骨清裂暗脈動乳
水決竇生露珠我心久枯舌不腴
活火乍發蟹眼如煎成一甌
競先飲撐腸五岳澆爲湖

梁溪秋泛

疎疎水柳蘸輕波
新霽江村曬短蓑
紅蓼花稀蘋葉老
寒塘猶唱采菱歌

家家小艇繫柴扉
秋水生時沒釣磯
日暮漁人未歸去
樹頭一對竹雞飛

曹壽銘字文孺初名炳言字煇齋會稽人咸豐戊午優

貢候選知縣有曼志堂遺藁

詩話文孺以制藝名久困場屋遂致力於詩與里中
舉社同人相唱和作詩必求一字之安彈思精索志
在傳世歿後李越縵侍御哭以詩云祗有文章
能損壽須知祿命本無官可以見其平生矣

東武山

寶林初地接蓬萊於越何年異境開孤嶼煙雲浮海出諸
天風雨挾山來城陰屈曲銜鐙塔樹色清涼護講臺莫問
前朝朱相國斷垣遺碣鎖蒼苔

月夜舟中卽景同眉叔

晚理東臬楫言尋北郭廬林昏霜氣聚江靜月輪孤山勢
臨流險村容帶樹枯衡門知不遠隔水市鐙疏

贈日本使者倉松教

曉日扶桑壯節旄使臣修貢出詞曹殿班柳拂銀虜佩

外夷傳日本國海泊霜明赤冶刀重譯文章通上國八荒

珠玉會神泉漢家月色春申浦萬里滄波去夢勞

任秋田明經勝讀書祇園菴柯巖之游擬枉道過訪

驟雨不果詩以寄懷

絕磴蒼茫俯碧潯，煙蘿寂寞此登臨。
已餐石氣清詩骨，欲就禪花證佛心。
隔岸雲山無鶴導，滿湖風雨作龍吟。
歸舟悵望江頭路，祇園在江頭村杳杳疏鐘度水深。

借眉叔訪李悉伯民部 慈銘 四鼓出北郭宿縵雅堂

遙峯遞煙林，頽陽帶江郭。
暝扈依晴沙，歸禽墮霜籜。
命楫東皋村，款關種山麓。
戶外雲冥冥，卧龍失寒綠。
幽棲遺塵喧，孤花自開落。

解榻劇情話，殫襟開朋尊。
村笏及新熟，味馥寒不稜。
霜氣壓疏屋，菊影涼初鐙。
詩論抉纖繆，至詣窮元根。
悉伯爲點定拙草且 吾道外榮落，所契在苔岑。
清風冷然來，竹外鳴

茶筌

促坐忘深宵言歸理孤榜戍鼓水西門
籛火煙中港夾舷
瑟瑟蘆風柯答寒響迴睇所來徑缺月墮林莽歸卧北郭
廬清夢謝塵鞅鄰鐘時一鳴旋促初噉上

送恣伯之楚應學使張公之聘

荆門九派水如煙此去關河落木天
春苑鷺花京國夢秋風鷓點洞庭船
酒邊供奉懷人句客裏馮唐未老年
大好青山無計住辦餐知少畫叉錢

北固金陵指掌看吳山遙接楚雲端
大江潮落孤帆急暮府秋深萬馬寒

君取道金陵將
謁湘鄉侯

南國文章收杞梓美入騷

怨問椒蘭何當重獻明光賦回首瓠棧夜倚闌

題幼眉鷗水草堂詩卽用留別

我初讀君詩與君未識面謂是古人作舌咋目先眩昔昔

思見之未由，覲青盼，邂逅忽相遇，愕眙疑夢幻，貌疎神愈親，象忘意無間。西陵樹若薺，鏡湖水如靛。東西遙相忘，伯勞與飛燕會。余來東泉假館，比羣彥風騷，嗣前軌東中盛壇。坵君尤橫無敵，跳盪恣白戰，赤手搏修蛇，耿天倚長劍。意行無危途，遁狀懾物變。老榦芟繁條，古藻謝今豔。俗儒喜緣飾，往往肆譏訕。介然一是爭，卓爾千春券。與余獨神契，兩載結歡忭。詩論窮毫芒，危言苦鍼砭。學殖愧荒落，燕穢資鋤鏟。礪玉攻纖瑕，鍛金礪微欠。道義古所敦，方茲信不忝。所冀無乖離，昕夕共樽讌。苒苒驚流光，二曜迅飛電。攬鏡搔短鬢，髮容羨童外。壯志非疇曩，頰首事薄宦。別袖發耶谿，征車指畿甸。出門愁惘惘，風雪凍兩脣。飛沙欺天光，層冰滑磴棧。落日羸馬嘶，荒驛做裘綻。豈不樂朋簪，驅

馳坐貧賤何當脫塵縛聯襪遂初願掩卷一長嗟遙天唳
征雁

長歌別同社諸子

男兒三十須通侯三公王儉猶黑頭車中乃可無七尺車
前豈可乏八駟誤人最是毛錐子坐令鬱鬱久居此行年
四十未成名鄧禹睨人笑不止昔年乳虎文中豪衙官屈
宋奴命騷對酒起舞拓金戟意氣往往陵其曹邇來百事
居人下破帽籠頭遭鬼罵五陵同學幾鳴珂毘毘西風仍
故我三年結社東泉東彈碁格五呼羣雄赫躡手擘十萬
紙墨痕亂灑林花紅花落花開自斯夕那識人生有離別
前年莘老子客蠻中瘴雨枕椰聽鷓鴣蔡侯季行逐計吏
車孫郎卿會獻金門書余亦飢驅留不得風笛一聲愁日

色長安二月春風寒河冰百丈排羣山馬首雪花大如席
蕭蕭客底衣裳單丈夫結髮志書策一朝頰首事未秩元
龍湖海氣不豪次公意態狂非昔仰天擊缶歌嗚嗚我才
豈合淪菰蘆百里雖局非泥塗仕宦何必執金吾拳跼牖
下胡爲乎酒酣一吐平生語明日雲帆滄海去

李文田字仲約號芍農順德人咸豐己未一甲三名進
士授編修官至禮部侍郎諡文誠

詩話仲約直南齋時恆疏陳時政典試視學務得真
才故取錄文字類不中繩墨著有元史西北地理附
錄攷元祕史注旁及相人葬地諸書靡不精曉書
宗北碑後生效之幾成風氣存詩無多略見其概

和林金石詩

遺址荆榛默棘連大唐祠像舊香煙李融文字分明在擬

共冰湖較極妍蕊伽可汗碑

安史邪氛鼎未移，晚唐回鶻費操持。
嗚昆河外真珠水，此

語還應醉隱知。

九姓回鶻
可汗碑

惠民良局有官方，義后黃神廟貌彰。
不讀天台輟耕錄，元

醫誰悟祖三皇。

三皇廟
殘碑

萬安宮遺址

迴合山川勢不虛，格堅又罕定都餘。
圖蘇河畔涼樓地，當

日雙溪此著書。

斷瓦殘當歲月深，沿河翁仲草蕭森。
殘碑徧地無人拾，歎

息圭塘許翰林。

永平郡樓作

漁陽東郡古藩屏，城闕岿巖鎖溟嵐。
氣宵深連海白，燒痕春暝入關青。
天臨碣石星分尾，地接巫閭屋建瓴。
且喜

興中烽火靜麥疇殘雪潤郊坰

宣化道中

左臨虎北右飛狐舊國千年憶霸圖絕塞關山秦上谷極
天嵐采漢軍都明目廢苑生禾黍統漠荒臺長樺榆樵牧
不知兵燹事沙陀斜日覓湛盧

灤陽試院題畫

熱河秋景總如春綠意紅情色色新衙署上頭行殿近消
閒誰似畫中人

虎北嚴關斗可摩難逢皴法小坡陀灤平縣側灤河畔一
幅橫屏似此多

黃錫彤字子受號曉岱善化人咸豐己未進士改庶吉
士授編修歷官御史有芝霞莊詩存

舟泊樊口登西山

樊口西山路春風送客程
燒痕侵斷壘荒草入孤城
江漢東流大兵戈滿地生
家園回首望日暮不勝情

銀河

玉宇涵秋景銀河徹曉明
旁羅星煥爛徐轉氣澄清
終古不改色浮雲空自行
誰能測深淺脈脈總無聲

雜感

邛蜀陰崖中中有太始雪
結冰層巒巔萬古人跡滅
炎暘偶一照溶溶作幽咽
涓涓成江河防崩石潰裂
殺人發屋廬骨肉傷斷決
乾坤大包容重陰性激烈
願布陽和春無使嚴寒結

深山有古柏蔚然抱奇秀
斤斧不得施經冬比松茂
特立

出雲表幽姿壯巖岫涼飈入喬柯千畝共芳漱葆此梁棟
材願託南山壽繩尺工料量毋爲造物囿

微雲新雨後華月照窗前虛堂寂無人清輝爲誰圓千里
共明月同心各一天願持一尊酒因風到君邊風來故徐
徐徬徨祇自憐取琴爲君彈孤懷託七絃

陳倬字培之元和人咸豐己未進士歷官戶部郎中有

隱蛛盦詩存

詩話培之潛心著述不廢吟詠其詩分原蠶集寄鮪
集徙鵬集倦鳥集有蔣德馨馮芳緝陸懋修柳商賢
劉廷枚評識今輯存一卷學人餘事不
必與專家爭長而吐屬淵雅迥殊凡近

馬陵道中

運河水淺礙舟行轆轤征車走一程人語衝寒過小市馬
蹏和雪踏新晴沙飛曠野天無色風撼危崖樹有聲遙指

帆檣出京口金焦山色隔江迎

武清道中

河水望南流我舟向北征湍急不得前如蟻磨上行長繩
繫桅頂曳縲邪許聲篙師船頭立淺灘努力撐天意復中
阻石尤忽怒鳴且前亦且卻水風激砰訇同舟客煩惱心
搖如懸旌遲遲行若此何時達帝京余意獨不然慮愴心
自平拂衣辭故國攜家泛大瀛瞬息數百里高浪驅鯤鯨
頓者受以漸大造有權衡但求尺寸進莫與天公爭譬諸
九仞山覆簣功終成回顧沙渚畔清夢鷗不驚

乞假歸里留別都門諸同人

回頭通籍廿年多攬鏡驚看鬢漸皤寥落晨星同輩少團
圓明月好時過功名蹭蹬鮎絲竹富貴虛無蟻夢柯坐對

茶煙輕颺處蕭然禪榻病維摩

收拾朝衫錦已蕪芒鞋竹杖養痾便破除塵網蛛真隱老
困鹽車馬不前落葉離根傷旅客焚巢瘁羽感中年新詞
且唱江南好笠澤風帆鄧尉篔

蔡琳字子韓一字紫函上元人咸豐己未進士歷官刑
部員外郎有荻華堂詩存

出太平門

倦眼看秋色鄉關息鼓聲人煙出村遠雁語下湖低黃葉
喧流水青山欲斷霓浮生幾兩屐吟徧夕陽西

丁巳初春泊胥江

客裏新年思不禁篷窗擁被自孤吟燒鐙門巷煙花濫溼
雪樓臺爆竹瘖驥伏漸消豪士氣鴻嗷難遣故園心梅開

鄧尉無多路夢裏衝寒試一尋

嚴辰字溜生桐鄉人咸豐己未進士改庶吉士官刑部

主事有墨花吟館詩鈔

詩話溜生少負才華以拔貢官刑曹己未入詞林旋居憂壬戌補散館時兩宮聽政溜生賦用女中堯舜語閱卷諸公置前列兩宮特諭以其專事揄揚近於阿諛改第十名復授刑曹遂乞假還里溜生賦詩紀其事有句云葫蘆誤畫前人樣穢紙空遭後輩嗤謂庚戌庚申散館有詩賦專用頌揚而置前列者又是科同散館皆庚申後輩故云爾也

杭州遇朱蓉生侍御一新

直諫聞天下朝陽有鳳鳴履霜防厥漸見覲絕其萌此舉堪千古其名震八瀛休嫌難補牘祇恐軫皇情

終是聖明事依然雨露多左遷仍列宿小謫謝鑿坡臣節休消沮名途偶折磨龍場與狄道視此又如何

周光祖字錫侯號雪甌浙江山陰人咸豐己未進士官刑部主事有恥白集

寄丁韻琴

百里相望感索居夏候絲竹近何如綠楊畫舫春攜酒紅燭風簾夜校書結客誼高貧賤日苦吟身老戰爭餘何家自是耽通隱不效興公賦遂初

送尊客養痾柯山蘿庵

初月藤蘿夜空山草莽臣新詩多是淚病骨不勝春野鶴無儔匹閒鷗結比鄰斯才應大用珍重苦吟身

于蔭霖字次棠伯都訥人咸豐己未進士改庶吉士官至湖北巡撫有悚齋詩存

詩話次棠廉清亮特生平學有獨到不常爲詩其弟子成多祿竹山搜輯得二十二篇繕錄印行

和叔平病中見憶

驅車城東隅訪我幽人居憶昔共君話勝讀十年書別來
未兩月相見訝清癯君病身未健我學愧多疏仰視日移
晷清談良足娛

徐徐清風襟皎皎明月燭羨君修晨昏護堂延百福我登
高賢庭滄瀧聞香馥無官孰羈身有書足飽腹此樂傲三
公可以怡幽獨時來聽足音開徑延修竹

龔易圖字少文號藹人一號含晶閩縣人咸豐己未進

士歷官湖南布政使有烏石山房詩橐

詩話 龔人先德四世祀名宦當其官濟南時丁文誠
專疏請入國史循吏傳藹人有四言詩紀恩洵異數
也其詩出入蘇黃健拔雋快次韻
尤所擅長指事類情無不達之辭

看之眾山雲

東風海上來吹作三日雨之杲起微雲蜿蜒拖一縷茫茫
海氣生與之互吞吐闔闔變陰陽瀾漫連四字老龍蟄深
淵出與馮夷舞我欲狎天吳赤手施網罟波濤輕性命與
汝快一睹皎皎曉日開雲歸龍亦俯凌波立飛仙綽約揮
白羽羣靈驅匝杳制伏不在武海天湛青藍容光相媚嫵
欲竟從之游忝作之杲主

祈崑崙山得雨樵野廉訪以詩見贈步韻和之

仙書不識王次仲石室曾見蔡少霞羈身塵網苦束縛何
從袖裏藏青蛇麻姑遺蛻獨縹渺滄桑那復看揚沙塵氛
蘊隆日色惡尺霖艱澀停龍車登山有禱宵氣靜但聞百
鳥喧春譁仙人咫尺若可見塵凡間隔空咨嗟龍池瀕洞
深不測神泉倏忽騰天涯雷馳電掣三日雨相期千里生

禾麻使君投詩獨詔我續紛秀語疑餐花天公仁愛到草木貪功何敢萌心芽仙山忽遠不許住無緣投劾依龍華

登姑餘山游煙霞洞

若有人兮山之巔餐風餌露凌雲煙肌膚冰雪雙眉妍手弄白日旋青天七真歷歷列我前叩之不語惟笑嫣罡風吹墮我自憐前身曾識烏爪仙石間螺蚌嵌珠璣滄海幾度爲桑田愚頑須警蔡經鞭欲歸不忍留無緣道人蕭客鬚鬢卷七十八歲腰腳便得無不死修真詮兩端空竭稱難宣嗟余生世四十年心爲形役神非全黃金虛牝空棄捐欲求魚兔忘躡筌每游仙境思自悛豈惟山水共流連仙乎仙乎不可以言傳逆視而笑知其然松風謾謾我欲眠奕棋無局琴無絃灌叢曲折鳴飛泉月靜山空聞杜鵑

雲鬟婀娜峯連娟
罔陀迴復猶蜿蜒
乞龍噴雨爲洗滌
歸家靜讀黃庭篇

書懷柬西耘

休將人力聘舟車
大海從來洩尾閭
猛獸出林思服不
妖蠶蝕月感詹諸
天山幾見三傳箭
北闕誰能十上書
但遣釣鼇有龍伯
何愁碧澗掣鯨魚

衣裳會後說兵車
府海官山到女閭
自古羞稱誰解此
何人善割尙藏諸
澄清空抱憂時策
平準誰傳計利書
開市開邊徒擾攘
師中最忌漏多魚

誰知載鬼竟盈車
名劍何從請辟閭
會遣遐荒通博望
相傳窮島產夫諸
見聞已闢方言館
盟誓常憑約法書
好鑿昆明勤習武
銜珠或有報恩魚

聞說奇肱善製車火輪巨艦銳飛閭島人琛貝偏時至楚
貢苞茅孰問諸空憶武侯擒獲計微聞文帝報佗書漢家
制度依然在龍變原難服白魚

東道

擾擾營營又一回折衝海上備尊壘已聞魏絳和戎樂誰
是張騫出使才博陸負展當日事單于款塞有時來之眾
東道供行李臨事從容亦自哈

欲向扶桑早挂弓滔滔海水日仍東每登廣武憐餘子莫
遣高陽溷乃公大海豈容隳蟻穴荒天真見鑿鴻濛局中
慘淡經營日不信旁觀有異同

游天甯寺集塔射山房

十三塔級最初乘老去風懷試一憑百萬蟲沙銷浩劫九

天鸞鶴擁高層蓬萊東海思員嶠松柏西山感孝陵可有
高岑詩句在逢場作劇我猶能

宜南朋舊近相聞祇剩荷華尙識君詩裏麒麟原有閣臺
中麋鹿久爲羣禪心坐到茶煙直花氣濃於艾納薰舉扇
不知塵集此西山拄笏便論文

輓高碧湄同年

金石圖書軼等倫如何宦海去翻身干將補履鋒先折荆
棘鉤衣氣不伸絕代才華驚逝水一生門戶悔依人年來
我已甘龍尾海外猶疑信未真

英啟字續邨滿洲旗人咸豐己未進士歷官廣東鹽運
使有保愚軒詩文集

曉發泰安

登車纔息雨紛紛魯郭齊城望裏分風意不寒塵氣淨袖
中攜得泰山雲

半壁山

半壁橫江渚東來第一關戈船齊奮武鐵鎖枉連環地險
波濤怒時平草木閒神鴉棲絕頂疑是古苔斑

高心夔字伯足號碧湄湖口人咸豐己未進士官吳縣
知縣有陶堂志微錄

詩話碧湄自定詩集序謂於詩好淵明故曰陶堂然
觀其所作華而敏栗而純琢磨刻畫入奧出堅蓋且
上規顏鮑旁取韓孟殊不似淵明碧湄嘗誦其大雪
歌有句云沙頭踞虎邱首句云衆下易爲堯謂吳郡
寫難狀之景又登虎邱首句云衆下易爲堯謂吳郡
近郭無山語約而境遠其平生好爲深湛之思大率
類是初第嘗客肅西亭所西亭既敗仕宦不得志中
興篇言會胡諸帥成功西亭未始無居中調護之力
城西二首慙其以駟侈掇禍而微雪其無不執
之謀眷念舊游不以盛衰易節是亦足多也

東湖月傷亡友范七

曲碕縈淥波，若絲綴雲素。娟娟雲際月，淺映湖上樹。城西
戍火微，面水一螢度。峭風吹蘿帶，飛翻桂華露。香定四無
聲，碧影潰煙去。欲尋徐孺亭，悽斷迴橈處。

望鵝湖山

弭節信陽渚，迴望鵝湖岑。連延暮靄色，合沓重巖陰。藁生
綴賢緒，孤策憬幽尋。靜悅數峯秀，竊與環谿深。古鱗聚寒
藻，新篔引么禽。坐久歎而作，石泉鏗壁琴。憂氣暫我平，情
高解道心。履綦付薜蘿，危標間天濔。翹聖無髣髴，駛見流
光沈。匡山杳白鹿，賁茲空谷音。

登吳山

孤雲觸壁壘，翩來墮東荒。滄海試臨眺，勢壓萬丈強。積水

澹悠悠疊斷中無梁戶限割要會龍蜃淵委藏日月蹋潮
至涵育青冥光規險置雄都江漢久沸湯所備偶弗繕干
里同一創禹航鬱驚濤弱宋縣帝鄉在昔鋒鏑窟寒墟散
牛羊湖風戀簫管觥船樂未央君知杞客憂幾倍錢江長
清淺衣帶渡浙西近剝牀吳越相吞滅況鄰貆與狼深人
計堂奧遠能制河湟安得恭儉臣內息百禍殃

將之建昌縣

養疴白雲下安卧足幾時谷口青扈語蹶予赴佳期農父
惜春半晨出耒東畝蕩子步廣陌居人揜空閩冥心學流
水屈折溝與谿鄭緩有墨弟於陵有織妻飢寒不相守龜
勉意何爲

中歲頗依人園居昧真趣及茲詣畏塗咨且不忍去衆情

惡寡諧相適甯非遇犢車知我門鑿坏亦何遽王生雲居
下一榻新成故梧棘各有棲鸞鳥豈爭鶩流亡布近郊眼
暗驚塵暮羣木鬱蒼蒼煙光卷歸路

谷簾泉

麗樓匿神峯古黛縵天障雪然開陽隩水步盤鶻上錮陰
蘆灰始囊土遺巨防織葛寒濛青雪沫四飛颺盈乎萬竇
迸濞利兩渠壯交匯蓋奔霆百控爭一放去波赴虛無來
湍激悽亮落落鈞璫鳴竹肉斂餘唱不攬縣濺勢甯規灌
輸量重湫證宏祕東駕期雁蕩

黃厓

謫龍息形生天矯縈水脈一壑滂千曲淺之萬餘尺輶麟
十道車聲此怒淙赫堯童指巖背曠有丹師宅梁起繩度

空心墮風拂石凝苔薦輕履引藤眩飄幘險過寒光平屋
樹通皓白戮立坐無階垂足當戶席鮫綃攝潭底粹縹曳
天脊仰頭逝仙羣鈴佩吟霧霏朗悟源上源鴛漿夢今夕

躡躡游宦子示仲弟

躡躡游宦子舟流甯當儀徒大貌不肖乃復患鄉鄙四年
惱吳儂七年夢楚水請急歸小休推枕夕三起何我島夷
船招我京江尾江逆海上潮御氣陵遠邇朝拂蔣山青午
弄九華紫天門距東西彭孤來角犄曛黃石鐘色了了城
隅俟咄嗟過我閩稅我溢口市乘漲更盡日望望明倫里
衢人雖云集與故不相似家兒候翁伯愕貽羅階凡仲也
一握笑各各迎送喜語仲毋強喜骨悲酸在髓阿誰奉覲
省左右何依倚咳提此幃闔洽醉彼筵几惕息希聲聞哀

哉忍埽視狼狽孤露兄弟乙兄四癸廢教懷寔安季也言
疾美禍福同域居人人瞰高氏可奈面誇謾品秩羔雁雉
仲秋蠲初吉寢成飭五祀六親旅庭來獻祝再拜跪饋饌
中豐儉山膚間水臠主人迫無醕醑包罄牢豕紛紜謝麤
定維日月之朏遠郊展墳壇汜掃數常弛曾王宅殊壤水
曲同瀟瀟薪木歲推傷蒙龍曳弱藹呼號橫山路罪謫身
在是表闕虛篆銘班衛問羊兕椎牛校祠祭虧養其與幾
禮經所亟誅蒲伏首撾箠誓辭久違心觸處守艱否裁能
腹杭稻手不縈寸耒內度攘詢生盍胡槁項死死生一懜
然黃墟痛焉已兩鳳側南翔鷺公鬱中峙來時山威夷去
見山崩施山下拜村祠荒忽象無儼昭穆漫離次食案馳
蚺蟻拱鼠裒牆屋旁踞非族鬼上醜縱百壺靈其享貳盞

寓木塊本枝而敢瀆天紀頽白前相勞諾重唯唯紆我
嗚行苦烹葑連黏醜願且備斯堂進退喧歌哆觀者騎鄰
樹履錯當戶趾磴駢競召嘗星春急霜毀縮胸念施報絲
銖賦筐篚疏戚誼有偏述詒私壘壘元風歸田野親側賢
遠仕傾顏仰嬉怒我則附羶蟻明發趨縣門息忙戒行李
公期割愛戀未別潛霑灑仲能曠我心要我觀彭蠡江漢
東朝宗石鍾正西企石鍾好靈傑匡嶽臨錨錨表裏雙洪
川波霞會明綺淮揚下廣瀉盥飲無淨泚弗味石底泉惡
知河中涉匡樵度江岸餉我黃精餌謂可仙登天勿妄憂
髮齒我憂世非身我說子驚詭少需發刈平還山友蘭茝

鄱陽翁

今我刺舟康郎曲舟前老翁走且哭蒙袂赤跣劍小男問

之與我涕相續饒州城南舊姓子出入輦人被華服豈知

醉飽有時盡晚遭亂離日枵腹往年縣官沈衍與李元倉

卒教民執弓梢長男二十視賊輕兩官俱死死亦足去年

始見防東軍三月築城廢耕牧軍中夜囂晝又譁往往潛

佔山村宿後來將軍畢金科能奔虜卒如豕鹿饒人亡歸

再團練中男白哲時十六將軍馬號連錢驄投兒掬剔芻

苜蓿此馬迎陳健如虎將軍雷吼馬電逐昨怒追風景德

鎮但膊千人去不復將軍無身有血食馬後吾兒烏啄肉

命當戰死那望生如此雄師惜摧衄不然拒壁城東頭斃

手誰能拔五嶽蜀黔騎士絕猛激守戍胡令簡書促郡人

已無好飢膚莫再相驚墮谿谷此時老翁仰吞聲舌卷入

喉眼血暈衣做踵穿不自救願客且念懷中嬰嗚呼誰知

此翁痛羸老無力操州兵山雲莽莽燐四出湖上黑波明
素旌大帥一肩繫百城一將柱折東南傾我入無家出憂
國對翁兀兀傷難平筐飯勞翁勿涕零窮途吾屬皆偷生
驃騎行贈王建昌

城南蒼蒼江涌日煙燕一點飛黃出西來氣與月窟高欲
拚臨湘八千匹昂藏甫絡金縷胡沫赭得非泐澤駒盤筋
當臆走四腕懸瞳夾鏡寒星珠垂梢磊犖騰青渠猛士執
靶怒有餘塞門橫空見獵火斗起嚼齧思先驅待御柔心
還自惜看人錯莫傷精魄天下騁騶嘶朔風萬里浮雲蔽
何益拔地迴山歌對君歌聲迭蕩排雙戟

客子吟

客子對客悽無語有身還鄉狀羈旅頗供賦役頌泰平卻

退消搖避官府縣門填填伐大鼓揚旗市卒號似怒不能
菁茅蔭寒谷夜常佳眠晝拒戶飄颯枯桑溼風雨

古人棄我如墜葉搖蕩秋光不相接石堂蕭木瀏青煙短
鏗疏榮映開篋反復千行愁萬疊西笑欲觀轅邱獵羽林
子侯車府兒宏羅頓揜翬鳥憎矜色媯紅激雙頰

射蛟浦前天暮雲元封綵仗過紛紛輪臺一詔侈心死於
今高揖英雄君運殊事極江蒲新決河不塞海擁塵前朝
涕唾未霑處此日戈戟生秋榛卻令螻蟻東南人

火輪何來駭我目翻倒龍堂歛原陸宛馬徘徊天塹東秦
人祇備榆關北銅斗無聲浪潮濁霜月蘆笳咽相續咸池
老烏宿何處鬼車旋戶狸登屋獨抱空弧仰樹哭

長星出地光丈餘暎暎似值三垣居宮中堯舜方宵衣祆

象何意干衡樞百年不修王會圖大秦空產徑寸珠願祝
洽如康熙時髮環之君來拂廬稽首承御臣前驅

湘衡猛士何桓桓將有江羅軍如山吳頭楚尾陳雲黑遠
見羣真朝帝冠皖公青青復殷轟沙爆石奔蟲猿但聞
虎偃嘯天柱李侯昨出今不還淚溢溝水何能乾

奮飛不到華蓋傍解渴亟思瓊漿噉噉赤子盡菜色司
命觀此應煩傷青蛉引驂龍上驤徑欲因之叫紫皇小臣
勞瘁無所求甘澍一尺生春陽安得發聲爲汝長

山中親情未宜薄斗酒倚裳勸斟酌焉知被褐天地間忽
漫英風起巖壑瑤圃玉多徒抵鵲仙居苦圓戲六博吾人
瓠落理則同不爾販繪走京索不爾三山自行樂

羲軒豈愛悲歌士百倒雷尊醉欲死韶箭御化武總干縣

地耳先言臣名一三三二一
三二
蕝朝儀魯儒恥搜賢令下沛流水嗟君心憚懸金市芋蘿
有薪渭有璜匡牀無夢熊不喜佻佻誰家報恩子

中興篇

沖皇受賀朝明堂國有元老平南疆鍾山九隧迅雷捷掃
穴萬馬眞龍驤五年荆襄畫地勢一旦揚越通天光遂連
長圍舉京觀轉策飛將窮飄颻假息周星不更貸長鯨短
狐從滅亡景風協律開慶典亞相金印題紫囊介弟蚪服
最輝映次列圭璧銘鍾幌采薇采薇詠未已汰遣部曲耕
資湘別留滕臙置十鎮率然首尾江防峻侍郎威略湖海
知霆軍轉戰兵無頓七閩督師匡復才西征夙將宏農儁
尋常躡履牙帳閒開府連圻對昌運肥淮壯士起中原一
旅平吳竹當刃文致太平武定亂王民執虜同虎奮北塘

要盟我所銜八城白帽猶犯順程既應歸黃髮翁艱難念
自先朝進文宗詒謀深且奇默禱申甫當傾危翰林潘
卿諫台趙薦疏但入皆領頤侍臣故有造膝請首贊大計
承疇咨口銜兩江授楚帥所爲社稷他何知嗚呼受遺左
軍桀倏忽謀逆丞相斯君親無將與衆棄不濟則死忠成
欺國家除惡方務盡功輕罪重誰敢疑謬哉區區擲腰領
不覩告廟分封時况論成敗雖人力亦喜神明扶正直當
時曲突豈與賓此日登壇動高職垂瘍將士勛業雄嘗膽
君臣憂辱極范變陳誠戎馬前葛亮抗表禽蠻役吾皇
治統茂康宣紫光劍佩新顏色台輔宜宏退讓風法宮日
養恭儉德鳳鳴河清莫虛致普天率土還耕織人生有命
佐中興明哲兼垂後賢則

河口雨泊寄弟

雨氣合天地江村何處邊孤檣心共挂五柳路如懸
穰覈終相倚風波歷自憐平生望雲淚爲爾續長川
馬影橋頭路驚傳又亂兵隴胡羣盜語哽噎萬家聲
閩帥原持法鄉農屢失耕那無遼海棹邱墓不勝情

蚤行

春塘斂曙霞風岸散林鴉細浪舒苔髮輕冰蹙蔣芽
泉生樵磴沒路轉鈞石斜戰壘依前隴炊煙擁幾家
青疇纏鬪白骨薦蓬麻斷續荒村犬聲聲送客車

漢家

漢家新樂舞雲翹酒醒丁沽萬里潮尺二嫵青鳴狗
苑五千樓甲卷蟬貂當關已哭歸元將抗疏猶爭辨
色朝幾宿

賢良門下直落槐如雨送吟鷗

水斷盧龍八月冰寒沈霜帳夜生稜郊人聚柝田無燭候
吏迎鑿馬不騰壁月瓊枝空邸第銅牙弩矢在園陵六宮
休惜蒙霜露羈旅乾坤數中興

何處郎官碧血封金犀池上火雲彤遙聞斬使非軍志豈
憶修防有國容北鄙秦師驕鄭賈南征申伯痛周宗懷柔
事事干寬政恩澤千秋溢賜鍾

蹕路蕪深四十年翠華光動舊山川鑄成精鐵籠車轂割
與流蘇飾馬羈迅鼓腹皮驅涿野還羅豹尾侍甘泉館函
營雜非常計七誓雄規日麗天

登吳城望湖亭

曉漲浮空左蠡青號風四蕩旅魂醒中流石盡沈精衛枉

渚林隕斷脊令盛憲憂傷年易蹙韓娥漂泊曲難聽面塵
臆血誰滌拭心墮蒼茫況此亭

城西

連雲列戟羽林郎苑樹依然夕照蒼一狩北園盛車馬再
尋東閣杏冠裳滌蘭苦汗生前佩炷麝能升死後香赫赫
爰書鑄焯史天門折翼夢荒唐

寵冠親賢料遽衰致身胡取亟登危將軍清靜歸醇酒公
子聲華誤繡絲坊樂入筵天慶節殿材營第水衡司十年
風誼虧忠告江海堙流此淚垂

哭劉泖生

滯調閒官稱墨狂衰年一命走循牆忽增逐臭喧瀕海何
待焚香訴上蒼疑獄廉囚憑急救免官徒跣得徐商曾無

賊賊爲仁義竟爾屠身厭不祥

江淮轉疾名奇虐厄我良朋涕泗淫齒劍不回司馬節靡
并雖烈女郎心之推抱樹疑誰懟正則懷沙遽自沈欲起
冤魂從辯難那堪嘔血屬鶻音

酒德文心人物志轉輪還證夢劉圖殷勤臺省收遺稟慘
澹銘旌付鄙儒毀譽一空阿卽墨聰明多謝曠離朱驚塵
不犯歸真駕山到江卽水到須

晚晴移詩匯卷一百五十六終

晚晴詩匯卷一百五十七目錄

徐用儀 二首

張憲和 三首

趙之謙 五首

賈勛 二首

王景彝 二首

褚榮槐 二首

穆清 一首

楊象濟 一首

顧福仁 二首

劉璋壽 一首

宋謙 二首

郭式昌 十五首

郭世欽 二首

王星誠 四首

孫詒經 十首

鍾駿聲 六首

黃道讓 三首

劉秉璋 四首

黎培敬 一首

秦煥 一首

劉澗年 一首

周冠 二首

吳唐林

四首

俞崧齡

一首

嚴鈞

二首

張鳴珂

五首

張思憲

二首

孫海

二首

沈景修

三首

傅肇修

二首

吳國賢

一首

何燮

一首

貴成

二首

姚學程

一首

王晉之

三首

鮑瑞駿

六首

陳展雲

六首

晚晴篔詩匯卷一百五十七

徐世昌

徐用儀字筱雲海鹽人咸豐己未舉人官至兵部尙書

諡忠愍有竹隱廬詩存

詩話忠愍直樞垣時爲恭邸所重久在講署熟於外事性異順與物無忤而庚子拳匪之亂竟以直諫被禍詩近白陸斷句如消寒云詩懷欲比梅花瘦家釀新開竹葉香門藏修竹尋詩徑樹擁寒雲釀雪天殘照遠收孤塔外凍雲低壓小溪濱易州道中曉行云炊煙初上村居近木葉全凋野色寬早行過涿州云月上挂寒林清入畫冰凝曲澗暗通泉謁陵云朝嗽初上萬山紫蔓草全枯滿日黃皆有清遠之致

涑水道中

曉色微茫渡水濱溼雲乍斂靜無塵平疇雨足秋風爽
蕎麥花開白似銀

十一月二十日出京晚宿寶店

西出郊原又一年，年年風景總依然。峯迴路轉如屏列，野曠天低似笠圓。白髮漸添難卻病，青鐙相伴且題牋。消寒不厭村醪薄，一醉蒼騰便是仙。

張憲和字聞惺平湖人咸豐己未舉人，歷官武岡知州。有受月軒詩草。

詩話聞惺歷安化辰谿常甯清泉衡陽諸政愛民好士循譽斐然治經通公羊學撰彙解至精審又甄集縣中明以來詩文不成集者爲當湖人文逸器章斷句賴以不至泯滅。

九江弔李忠武公

決機有勝算，攻堅良獨難。龍驤昔揚旆，赤羽映江干。戎帳互包絡，鱗屋在中蟠。洗甲易朝爨，兵民兩相安。移營阨山嶮，窟穴幽厓寒。地雷迸烈火，函谷開泥丸。龜孽無留種，遺黎共摧殘。纍纍京觀間，功成轉汎瀾。成功不易居，兵法非

一端進取迫朝旨何暇計復單慷慨鞞中刀喋血猶未乾
斫地痛彭亡智勇曾未殫翳昔艤征權秋江白露溥火攢
如飛星靜夜成壯觀至今空壘下石菴沒驚湍事往若干
載悲來激肺肝新祠鶯松柏留作甘棠看

綠陰

長隄一碧望中新畫手終輸造化真蟬意本來耽密蔭馬
蹏曾未踏紅塵客塗煙景渾忘夏南國鶯花久失春仁政
似聞傳種樹孝寬今日是何人

嬰山讀書

松陰敞青冥嵐翠滴庭宇小池添綠波知有夜來雨澗曲
通石缸膏泉瀉玉乳泠泠非笙竽鏘鏘韻自古吟聲與酬
答有如聽搏拊卷軸累世遺琅玕積瓊圃勸哉焯掌勤黽

勉啟聳警高高直上峯壁立誰能伍持身貴挺特先民有
芳矩

趙之謙字益甫號搗叔晚號悲庵會稽人咸豐己未舉

人歷署鄱陽奉新南城知縣有悲庵詩贈

詩話搗叔性兀傲於並世作者多所訛議坐是不諧於世篆刻書畫用力至深至今片楮爲人所重詩境力矯庸庸侃強矯健是其所長潘文勤極稱之

再去温州蔡枳籬同年保東以詩贈行依韻答之已

已十一月初一日也

貪夫宜徇財烈士悔徇名求財與市名谿壑瘡不盈身存
則螻屈言大爲鯢鯨先難後無獲豈爲求非誠通辭旣款
款卜兆見庚庚自古有窮途偏續阮步兵吞聲求海曲忍
發驚人鳴旣來悔不去將去悔此行我足不自裏何當怨

榛荆乞米得握粟施者等坻京非敢謝嗟來幸不繫死生
蔡子我同歲長我爲我兄喜我遠方來憐我儂且僮贈我
五百字囊以詩爲傾纂組審周密措擊動增訇離人感吹
笛隅坐逢彈箏我今別子去石田尙可耕但恐荒所業中
夜猶怵怵飽煠失長策呬唔留短檠死豹終愛皮過雁自
有聲戴天見北極御風及東瀛所苦不能飲獨醒非解醒
偏同醉夢中出話違世情媚骨天斲我嘯喘事屏當蟲鳥
記翰翰艸辨識萍萃無能談性道操術難變更皁白何憤
憤眯色非使盲輕重焉可欺執權折厥衡生曾歷災難分
不當公卿命蹇疇與造人老成非精矜此七品官遠過萬
里程爲郎坐無資廢棄事易明方枘入圓鑿一縱交數橫
爲傭不受直謂我心難平朔風擾客眠觸物徒鏗錚焦卷

忽得雨豈有桑羊烹愈期負良媒長愧蚩蚩氓不尖邈古
弼所短殊晏嬰俯仰道已拙兀冪身終輕臨歧重太息此
願將無成負氣絕俗累述窮學官清一游誤雁蕩三過別
鹿城問子大荆道惶恐與丁令新潮浹水長自與人送迎
厭作海上漚願爲幽谷鶯感子贈我言我歌與子賡各有
文字累往復勞僕伴未信五恨彭且受三樂榮爲貧固非
病筮困德在亨明年儻相見同餐秋菊英

舟泊石門憶事有作

黃葉村莊路莫知當時壞壁賸題詩階前片石曾無主偏
有人爭吳六奇

龕無風木墓空存百軸觀音一夕燔辨利藏眞聞尙在歸

舟恰入艮山門

城根風木龕風木和尙墓在其側舊藏觀音像畫百餘軸亂後龕燬像亦失去

洛閩正學僞殷頑講習堂餘水一灣空腹高談焉取信敬
觀禹鼎識神姦

一拳紫石力能扛異事何來瓦塔雙此日可能驚伯有我

會深夜辨經幢

縣署西偏有紫石方尺許高亦尺許相傳

得瓦塔二枚甲寅冬余客署中不之信夜靜秉燭摩挲石

上見有字迹乃古經幢石門自石晉時始置崇德縣此唐時舊物也

賈勛字跋雲上海人咸豐己未舉人官大通知縣有望

雲草堂詩集

黃鶴樓

江雨迷離江水浮隔江遙指五層樓望中不敢攜吟管吹
笛仙人在上頭

夜村阻雨

皇天久不雨一雨別成陰雲黑頻翻墨泉清似弄琴茅龍
涼捲影林鳥溼藏音萬里荒郵路羈棲愴客心

王景彝字琳齋江夏人咸豐己未舉人官永康知縣有
寶善書屋詩藁

由楚復至杭州舊居

自笑還鄉又去鄉此生端合老錢塘豈真田好如陽羨未
必魚肥勝武昌梁燕去來非有意海鷗遊戲本無方少陵
晚歲心彌達隨處能安一草堂

孟夏夜坐風雨猝過棖觸往事感而作此次東坡定
惠院月夜韻

芳草未歇猶餘春羈人無聊最愁夜晚年少夢嫌漏中老
眼看書怯鏡下闇雲初起墨屏張驟雨忽來瓶水瀉蚊影

剛停鼓翼飛花枝已作垂頭亞塊壘填胸尙可澆酒杯自
有何須借世情雖薄不吾欺官事正繁喜先謝諸公正好
博鼎鐘此翁久已同田舍華臚都如過眼花安閒卽是老
頭蔗文欲欺人老忘醜詩貪鬪韻險不怕所欣衰老入和
平祇有嬉笑無怒罵

褚榮槐字二梅嘉興人咸豐己未舉人官龍游訓導有
田硯齋集

除夕與諸弟飲卽席

臘鼓聲中餞歲忙屠蘇遞飲緩傳觴貧家行樂仍寒儉老
母加餐便吉祥酒氣暝融簾外雪禪心深炷佛前香寺鐘
未動晴雲曉已有春風到草堂

九月憶舍弟

九日登高會羈人感物華他鄉時斷酒獨客罷看花病葉
秋先墜寒林日易斜雁行吹不斷回首渺天涯

穆清字竹村滿洲旗人咸豐己未舉人

送友人之官

行藏爲我屢沈思一笑尊前月影移小草何關天下計不
才空過聖明時牛衣未必慙中婦燕領從教誤相師他日
鳴琴思舊雨白雲深處問荆籬

楊象濟字利叔秀水人咸豐己未舉人有汲庵詩存

詩話利叔儒而俠才氣橫溢有不可一世之概遭時
多故以策干當事治團練與寇戰廬州而勝尤慷慨
自喜終以疏狂忤俗
鬱鬱不得志而終

答李子道道悠

作者不可見羣兒自揚揚李生吾畏友老筆撐秋霜里婦

見西子使我走且僵敢以邢尹例塗粉矜紅妝感君爲導
師示我如周行癡蠅觸窗紙得出亦佞倂駑駘自矜寵終
遜騏驥良生材信有殊此器甯久藏勸哉榭楠質方當構
明堂

顧福仁字靜崖號紫珊嘉善人咸豐己未舉人有養心
光室詩藁

過阜城南僞齊御莊

八年黃屋自崔巍相倚亭臺轉眼非駟馬右驂曾被寵潛
龍戴角竟橫飛出師空隕中原淚假館依然古驛圍留與
金廷添掌故中州史筆漫相譏

九月八日游大雲寺

秋風香市集南難此去原非禮法壇一縛蟹螯鄉味浚兩

行鳴陣水天寬童心不礙泥嬰攪墨額休儕畫史看

寺深

處三字額雲東逸

屈指明朝重九會那堪淚眼對萸盤

伯先

史書今已亡矣
子同游寺中於
今二十七年矣

劉璋壽字倬卿仙谿人咸豐己未舉人有慕鳳巖詩集

舟泊上海

悵無斗酒與雙柑客裏鶯聲二月三帶得春潮隨我去杏
花一色看江南

宋謙字己舟侯官人咸豐己未舉人有劍懷堂詩草

春陰

海棠庭院晝愔愔簾捲東風曉夢沈三日管騰中酒意一
春珍重惜花心煙光澹入青油幕石氣寒生綠綺琴說與
牢愁天亦醉無聊鶯燕伴孤吟

宛在堂禮十四先生

壇坵飛揚孰霸才百年閩派未蒿萊何人風雨攜詩卷兩
代江山付酒杯品彙至今摹典籍瓣香幾輩有吟臺劇憐
宛在堂前月夜夜吟魂自往來

郭式昌字穀齋侯官人咸豐己未補行戊午舉人歷官

浙江金衢嚴道署按察使有說雲樓詩草

詩話穀齋爲遠堂中丞長子早歲與林錫三龔藹人
揚雪滄輩結南社有十子之目嘗參蔣果敏戎幕擢
知廣東肇慶府歷官浙東西諸郡殆徧兩任湖州三
任台州所至吏畏民懷台民頌爲郭佛台匪金滿負
固長吏引爲鉅患君單騎馳諭降之滿自是隸戎籍
屢著戰績世豔稱焉晚年謝病值衢郡戕教事發浙
撫強起君任金衢嚴道東南大局賴以匡持卒於浙
臬在所公子春榆宗伯輯其遺草得百餘首多從戎
紀游之作

石鼓山半山亭小憩

數里聞溪瀨入山惟亂松空香薰日氣積翠冷雲容夕磬
煙中寺風泉澗底春巖扉隨意叩歡喜一僧逢

白雲洞

一洞懸危磴數峯深翠微山涵春氣靜泉養石根肥幽草
自顏色白雲無是非高僧忘對客坐補水田衣

楊花

迢遞關河春欲歸行人相望隔斜暉一天薄暝寒將盡幾
日東風力漸微但見煙村都黯黯不堪枝葉尙依依禪心
未便沾泥去還向長亭惹客衣

隨蒹秋叔訪非衣子

林蘊

山齋

問君何事碧山深獨酌寒泉萬古心解帶松風言疊疊閉
門花石坐陰陰半生積夢醒華髮隨意春芳伴苦吟祇有

竹林雙屐好相將壺酒日來尋

荷亭拜李忠定公祠

手掬寒泉拜綠苔滿湖殘照廟門開池蒸暑雨紅蕖發旂
捲秋風白雁來半壁空持恢復策七旬誰展老臣才三閩
四廣終成誤和議難憑自古哀

延平軍營書所見

陣雲陰陰作愁色東溪一夜溪流赤灘頭石碎挂死人死
人多於灘頭石我來維舟延福門路旁紛紛走避賊中有
一老哭且行鮮血新瘡在右額自言家近幔亭峯廬井年
年習兵革紅巾三度入閩關九曲溪山徧荆棘今年無賊
有戍兵妻子流亡歸暫息誰知將軍率虎狼葛伯先奪耕
夫食亂軍縱火焚山莊牛羊雞犬皆烹磔君看溪邊流死

人盡死官軍非死賊

吳江舟次

三年十渡吳江水花草山川漸有神故壘削平皆沃壤荒
村成聚見歸人晨餐細膾烹紅鯉夜舫清歌貼白蘋還是
六朝金粉地殘秋煙景似芳春

五坑收撫客民事畢回廣州旬日又赴漕涌軍營賦
示內子

歎息勞生百感侵征袍纔脫又分襟鼓鼙江上催人去笑
語鏗前惜夜深敢信封侯有奇骨未應借隱負初心同來
瘴雨蠻煙地祇盼刀環是好音

辛未春月由温州至處州道上雜詠

雙塔江心孤嶼留昔賢觴詠此風流綠蘋香送清風遠疑

有吟聲出孟樓

畫槩乘潮打浪花溪灣轉過幾人家
雨絲風片孤篷底卧看青山出永嘉

石門洞口白雲封飛瀑千尋挂碧峯
空羨詩人謝康樂浣紗二女幾時逢

連日山程馬足忙今宵借宿愛禪堂
林鴉飛盡松門掩萬谷笙鐘入夢涼

雲深石室白生虛夜冷枯僧入定初
水月盈盈人不睡但分清影與寒魚

迴環丹嶂千層出屈曲清溪百道斜
一抹林光朝旭上括蒼殘雪在桃花

丁亥除夕書懷

人言方朔是神仙，風雪窮冬在客邊。
憂國一鐙看白髮，思鄉幾輩念青氈。
寒消竹火殘更裏，酒憶梅花老屋前。
踐得東坡江水約，讀書猶願假餘年。

郭世嶽字蘭蓀，湖南桃源人。咸豐己未補行，戊午舉人。同治壬戌舉孝廉方正，有鴻旅山莊集。

宜城謁黃叔度墓

朝發麗陽驛，暮抵宜城縣。
風沙浩浩來，下馬目猶眩。
荒塚何纍纍，藤蘿延以蔓。
縣令知好古，墓道表黃憲。
巍巍道傍碑，洵爲多士勸。
願廚與俊及，紛紛皆蒙難。
林宗亦幸免，張儉恃逃竄。
叔度獨汪汪，不登黨人傳。
行藏語顏回，氣節振頽漢。
大雅今不作，對此殊留戀。
向夕道路長，愧無谿毛薦。

聞蛩作

已覺寒聲咽，悽然復訴誰。一年秋盡後，四壁夜涼時。街柝當門急，霜鐘出寺遲。吾曹搖落意，微物亦先知。

王星誠本名于邁，又名章，字平子，一字孟調，浙江山陰

人，咸豐己未副貢，有西臆殘草。

詩話：孟調幼穎異，目多白眉，有奇采，刻意爲詩，以家貧游河南，依其叔父副都御史履謙於河防，咸豐己未應京兆試，已病甚，榜發中副車，越日卒，年二十有九。李越縵讀孟調詩云：不謂斯人死，高歌尙起予。此才能幾見吾道定何如。五夜神魂接干秋，想望虛飄零。新楮墨知是必傳書。

傷都督向公

夜帳星辰隕，東南哭素旂。出身經百戰，授鉞感衰年。聞道樓船返，翻愁鐵甕堅。壺頭師未捷，悒悒馬文淵。

曉晴走馬河陽道中

卅里郊原結隊行，眼中風物媚新晴。平巒過雨青歸樹，寒

草拖煙綠上城隔水稻香禽語妥當風人影馬蹏輕天涯
但得長如此便倚鞭絲過一生

陳珊士庶常

壽祺

登第假歸間道出大梁過訪席上

送別

讀書廿年爭此日射策金門未三十西風千里錦袍秋獻
壽高堂健猶昔悲君少孤奉母居糠鎧蘿屋傳遺書春官
數謁良苦別賴有燕婉能娛姑三日芙蓉鏡中曉看君親
製泥金報上有百拜加餐飯下言兒貴歸來早藍子花落
槐花黃摩訶一曲冰絲涼衫巾連臂踏春月毬仗扶頭過
夕陽花光上酒春心熱爛醉直須三萬日平生一試丈夫
豪亂世可憐名士拙長年冷粥山廚寒一朝意氣教人看
文章有用甯獨是富貴逼人如此難我從別君向西走已

分雲泥終古剖不道天涯落葉堆尚有今宵一尊酒老母
倚戶妻停機行矣馬蹏無再遲卧龍山北早梅發堂上康
強報我知

蕭山寄懷李大越縵

慈銘

忽忽已成三月別故人道爾苦吟詩傷時涕淚狂猶昔倚
樹光陰病儻支下瀝有田供著述上春多雨足相思商量
載酒湖南路擘脯彈箏定幾時

孫詒經字子授錢塘人咸豐庚申進士改庶吉士授檢

討官至戶部侍郎追諡文愨有捥鼓堂橐

詩話文愨師入翰林以倭文端疏舉講官進講經史
供奉南齋光緒初直毓慶宮風裁清峻論事不爲苟
同書體雄寡兼工山水
題畫諸詩多不存彙

寄和張肖眉師黃河隄上作

旅况知何似，征途憶遠行。河流千里曲，風飽一帆輕。落落
會吾素勞勞，感客程。天涯懷舊侶，今夜月同明。

題恭親王歌唐集句圖和原韻

漫將得失論雞蟲，心醉三唐妙詠中。百衲琴絃清韻古，七
襄雲錦巧機同。雄才直欲兼羣美，奇句誰攜問太空。我亦
梁園舊賓客，披圖彷彿坐春風。

弔定海死事諸君子

漠漠沙場百戰塵，獨留正氣在乾坤。長埋碧血流餘怨，賸
有丹心報主恩。烽火孤城傷往事，江湖杯酒醉忠魂。問誰
替作睢陽傳，事迹分明待討論。

黃孝侯少寇招飲

漫向軍前講六韜，流連詩酒屬吾曹。饌間風味天廚貴，座

右吟情大將豪十載金鑿慚素食九秋廳館壯揮毫消閒
賴有囊中句回首秋巒月已高

詠行帳和伯寅

橐筆行廬九月秋依然香案近瀛洲軍聲易攬梅花夢詩
興還憑竹葉酬幸許郗超同入幕不須張象歎低頭枕戈
尙憶聞雞舞今傍和門聽曉籌

聽雨

玉漏頻催客未眠聯牀翦燭興無邊推敲細律償詩債斟
酌新圖證畫禪古木寒聲驚夜雨平原秋色盼晴煙何時
同泛西溪櫂淺水蘆花不繫船

南苑絕句

瑟瑟西風蕭柳營翠華南駐閱神兵六軍鼓舞天恩厚共

慶秋陽十日晴

校獵圍場競奪標騰驥七萃馬蹏遙笑他困獸雖思鬪應
懾天威不敢驕

離宮風景數圍河金碧樓臺點綴多絕似西湖形勝好蓬
萊仙境在煙波

望衡對宇喜盈眸容膝渾如陸地舟最是綠陰低亞處十
分秋色在營頭

鍾駿聲字亦谿號兩辰仁和人咸豐庚申一甲一名進
士授修撰歷官侍讀學士有養自然齋詩鈔

北河

好風如縷月如圭破曉乘輶西復西野漲忽迷三里渡村
謳猶唱六郎隄一鞭古驛尋沙遠幾樹垂楊映水低稍喜

紅曦猶未透趁涼且自過前溪

廣武驛

斷鏃埋槍何處尋我來廣武一沈吟英雄豎子皆塵土落
日長河自古今且喜清時無列燧欲消溽暑指疏林恩恩
驅馬荒原下那有閒情歎不禁

謁胡文忠祠

粵水驚波接石頭狼烽四逼楚烏愁心憂天下籌全局力
挽狂瀾扼上游壯志早從黔守立奇勛先向皖江收馨香
食報公何忝獨恨身穢不少留

渡涪江

盈盈帶水繞谿塍兩岸峯巒疊幾層一幅丹青摹道子涪
陵何必遜嘉陵

花林驛

古驛無人出空江撥棹行崖噴雙瀑健雲放一峯晴秋思
真如水郵籤不計程問誰於此住羨爾樂躬耕

正月十六日發閬州出郭門有作

一出郊原便有情春風如客喜相迎好山示我荆關畫流
水清於鼓吹聲豆麥盈坡新雨足松杉交翠古香生籃輿
鎮日無些事聊且支頤看晚晴

黃道讓字岐農湖南安福人咸豐庚申進士官工部主

事有雪竹樓詩稟

詩話岐農詩筆雋快為昆明劉韜齋所激賞以是知名然頗有才豪氣猛易語言之病汰其粗率之什亦
尚多可誦者

北道題壁

未免他鄉似故鄉萬家雲樹總蒼茫風前客試新調馬
後人耕舊戰場村學書聲停卓午社翁醉影散斜陽湖
山滿眼雖然好不及關門一炷香

重登嶽麓

萬壑風來雨乍晴登高一覽最怱惺西南雲氣來衡嶽
日夜江聲下洞庭我髮實從近年白此山猶似舊時青
讀書老友今何在古木秋深愛晚亭

春日再游嶽麓

麓山泉水在山清海嶽歸來許濯纓古寺重尋留墨處
老僧猶識誦詩聲青雲過眼如春夢舊雨聯牀望再生
除卻凌煙諸叟外登科一一是閒名

劉秉璋字仲良廬江人咸豐庚申進士改庶吉士授編

修官至四川總督諡文莊

詩話文莊在詞館以辭賦擅長及佐李文忠治軍轉戰蘇浙東南賴以審定督川日公解側故有園亭稍加葺治名曰習靜園時宗室子惠岐元爲成都將軍署亦有園與僚友觴詠迭爲賓主戟門畫靜燕寢香凝殊不減玉堂文采也

閱兵松潘道中作

鈴轅小隊擁旌旗
嘉命恭承遠視師
馬齒六旬吾老矣
羊腸九折命驅之
層巒細入龍眠畫
秀嶺雄於太白詩
匹練懸流三百里
匡廬瀑布未云奇

習靜園用顧幼耕

復初韻

舊院習已荒
榛蕪翳眾綠
命匠稍經營
纍石間疏竹
習靜亦偶然
爲迓高賢躅
談詭語驚人
嘯歌聲滿屋
賓朋亦旣醉
主人請繼燭
官樣與儒風
一齊高閣東
歡笑忽歛歔
歔驚

心義馭速皓首百無成終須同草木蓬華多窮黎眾樂慚
於獨寵命忝纓組幽懷寄泉谷道德五千言止足義已熟
欲乞衰朽身鄉關馳夢轂一壑猶能專生平願已足此如
傳舍然徒爾勞板築新詩惠袞袞盥手百回讀

歸田自述

元龍意氣昔何如荏苒光陰付子虛政績不登循吏傳文
章豈有茂陵書死猶腐草螢光點生比寒花蝶夢蘇壯不
如人今老矣片帆東去啖鱗魚

望見蓬廬喜欲顛弟兄慰問笑喧闐豪貴富擁書千卷醉
態狂歌詩一篇清白差堪貽子姓燒丹何必學神仙興來
沽酒招朋好斫膾烹雌足俸錢

黎培敬字開周號簡堂湘潭人咸豐庚申進士改庶吉

士授編修官至漕運總督江蘇巡撫諡文肅有求補

拙齋詩略

詩話文肅不以詩名觀其早歲流連山水之作自有氣概

登祝融峯

萬丈雲深處人從鳥道行天高疑有路谷暗不知晴怪石懸崖立飛泉夾岸鳴懶殘如可訪攜手問前程

秦煥字文伯江蘇山陽人咸豐庚申進士授戶部主事
厯官廣西按察使有劍虹居詩集

過郟城

車輪喧軋軋驅馬過荒城野闌樹無影風寒沙有聲健兒行帶劍牧豎坐談兵豈少匡時策行行望帝京

劉澐年字樹君大城人咸豐庚申進士改庶吉士授編

修厯官惠州知府有三十二蘭亭室詩存

都門道中偶得詩從奇險歸平澹人到窮愁見性情

二語揚鏡知茂才

文格

囑爲書之楹帖因足成長

句奉贈

年來嚇鼠得虛名零落青衫誤此生入世幾能開口笑辭
家偏覺一身輕詩從奇險歸平澹人到窮愁見性情爲報
春華須愛惜春殘無復管絃聲

周冠字鼎卿晚號拙叟靈川人咸豐庚申進士改庶吉
士授檢討厯官汝甯知府有寶拙齋集

臨洛關卽事

臨洛關下來時路再策歸鞭夕照迷南國不聞馳露布北
畿新見駐雲旗地居荒漠難言守戰有先聲願出奇安得

健兒三百輩
橈槍直掃肅潢池

贈長壽寺住持成果上人

昔登鷲峯寺
隱公談元旨
蒲褐屈雙足
梵音宣一指
道佛不在經
得者如穿蟻
道經亦有佛
悟者如牧豕
靈山本無地
掬之在尺咫
出世非忘世
佛亦求諸已
聆此頗稱善
妙論欲予起
茫茫眾生劫
忽忽十餘紀
竭來珠江游
兩載滯行李
叢林每探勝
問道尋釋子
緇流亦有徒
鐘磬惟食耳
誰能闡宗風
一暢禪家理
成師本慧異
少卽達生死
壯年歷四方
大刹皆投止
內典得師授
曠然無涯涘
歸來主名山
知識爲上士
登壇一捧喝
聞者俱粲齒
忽焉若猛省
鞭辟更入裏
經佛兩融液
若冰之在水
餘藝擅岐黃
利濟心所喜
能事復通儒
間亦涉書史
小詩格律奇
島瘦差可擬

縱筆掃尺素寒梅香滿紙贈予兩三幅墨瀋留霜蕊此品
自超卓親炙非俗鄙儼從隱公游不覺顛厥趾我聞六祖
時一偈悟佛氏欲證菩提身夙根原有以傳法得南宗願
言從此始

吳唐林字晉王陽湖人咸豐辛酉舉人浙江候補知府

有橫山草堂詩集

詩話晉王少客喬勤恪慕以貲郎改官浙中盛有文
譽兼工倚聲杭州刻侯鯖詞五家宗獻梧鄧笏臣俞
小甫邊竺潭
晉王爲之冠

雪夜自橫山歸

楊枝搖漾飛輕絮避居曾向山中住梅花綽約臨波開泛
舟仍自山中回青山顧我忽無色此來知與青山別彤雲
脈脈愁不開化作漫空滿山雪琪花飛凍老樹梢寒深已

沒前溪橋空林颯沓夜風緊峯嵐極目皆瓊瑤恩恩短棹
催行客輕舟徑出三山側回看曉色射村墟玉山猶倚寒
空立

蒙陰感事

征車搖搖入齊甸七日已抵蒙陰縣東蒙山下居民稀附
郭村墟少煙爨土人見客前致辭坐語沙中溯離亂連年
寇盜滿東都河北官軍苦征戰充曹潁亳逋逃多連騎呼
羣日東竄紛然賊騎翻山來去歲窮鄉盡遭難倉儲劫掠
廬舍焚十室丁男九分散卽今賊退事少平比縣干戈苦
傳箭四方襁負猶未歸爲恐原燎更重爛原田每每無人
耕茂草荒涼野花蒨往來孔道無人行今日單車喜重見
感此彌懷陵谷悲再來已值滄桑變我亦鄉關付劫灰回

望南雲淚如霰

自樂源門至黃山店

羣山如過客相見不知名但覺峯嵐熟時聞巖瀑清澗花
沿路發野鳥感秋鳴何處鐘聲動雲中古寺晴

蛟門放洋

神樓縹渺引雲車東望滄波接太虛日影危檣聞語燕浪
花孤嶼落飛魚縱橫荒谷多逋寇鞅掌勞臣畏簡書從此
涓埃期報答懷歸無復念門閭

俞崧齡字壽民丹徒人咸豐辛酉舉人官沛縣訓導有
種梧吟館詩存

漫興

勞人空自惜流年又見園林春色妍乍暝乍寒芳草地欲

晴欲雨杏花天酒當濃後偏貪睡詩到清時總類禪榮瘁
升沈都不管焚香聊且誦殘篇

嚴鈔字迪周號遂舟桐鄉人咸豐辛酉拔貢歷官左州

知州有香雪齋詩鈔

詩話遂舟少負才名與其兄錦有二宋之目粵匪亂後誤和甫少宰視浙學補行歲科試三屆連試十一場而遂舟冠其十其鴛鴦湖樓歌云怪道鴛鴦飛不返湖濱猶有戰場花又云生涯祇合謀菱芡多少東南未種田尤爲少宰所擊賞傳示八學校官由是詩名大起

十月十五日爲先君諱日舟中誌哀

回首家園魂暗銷白楊衰草冷蕭蕭蓬窗一把孤兒淚流
到墳頭當酒澆

贈仙海

慘綠年華著白身王孫寶玦黯風塵多情天地偏生劫無

定文章最誤人作達但謀于日醉傭書難救一家貧不求
仙佛求逃世何處桃源許問津

張鳴珂字玉珊一字公束晚號窳翁嘉興人咸豐辛酉

拔貢歷官義甯知州有寒松閣集

詩話嘉禾詩派自錢籜石後別開境界公束則守朱
李舊風者才情雖弱格韻自真兼工倚聲承黃韻珊
之學造詣
似在詩上

游理安寺憩松顛閣

蹴霞上層巒屈曲緣蘿磴徑轉得名藍傑閣敞虛篋萬象
入周昞羣籟息清聽茶臼石廊鳴鶴夢閒房醒歷境不在
高要由立根定鬱鬱青松姿豈與孤花競天風響泐蓼上
界笙簫應何當攜素琴來和花間磬

泛舟秦溪游興善寺

叩舷恣幽討性僻耽林泉晴旭麗朝采煥破梅花妍低蓬
何所詣谿路相洞沿雲木亂無次隱有疏鐘傳來依妙香
窟冷賞諮秋煙頗愛勝公書腕力追平原髣髴仙壇記留
證金石緣蒼松起幽籟風動鳴孤絃亭亭影交翳浩氣流
眉間

蕉陰秋夢圖

銀河迢迢露華冷殘缸燄短漏聲永單衾瑟縮枕紅粧月
白珧窗澹無影綠天未曉宵沈沈井梧葉落秋風深疏砧
萬戶動遙響夢魂徧繞蕉花陰星稀霧暗悄難待美人何
處淚痕在鴛鴦卅六隔圓波環珮惺忪鬢絲改何如選帳
梅花根雲鬢泥笑傾瑤樽雙棲翠羽咽春韻腸斷羅浮挂
月村

疏樹

疏樹漏殘滴曉涼人獨行草深尋廢寺雲斷見高城靜得
山林意空聞鳥雀聲徜徉足幽興卜宅慰余情

冷水嶺

馳驅役塵勞終朝困簿領商略看山行好夢遽然醒出郭
渡谿流清曠遠人境天晴秋氣肅雨過山容靚空翠滴蒼
厓濃染松杉影層層路盤曲不覺上高嶺俯視猶深淵石
級頗修整山麓有人家延客薦新茗點以巖桂花色香味
俱永多少在山泉何如此間冷

張思憲字慎齋甘肅西甯人咸豐辛酉拔貢官永甯知
縣有鴻雪草堂詩集

蟋蟀鳴

蟋蟀晚秋鳴風聲攪雨聲蕉窗鏡一點蓮漏夜三更遠道
思何著驚人夢不成苦吟空四壁賴爾助淒清

梨頭溪

曉發過山莊春耕處處忙千畦秧水綠一路菜花黃社散
人皆醉村深酒半香愛茲好風味借宿小茅堂

孫海字吟帆秦安人咸豐辛酉拔貢官遂甯知縣有欲
未能齋詩存

題巨子馥慕硯圖

寒碧一拳光四澈鵠眼晶瑩瀟秋月紙上墨痕黯黯溼疑
是幽人心上血手澤蹉跎五十年此硯能穿心不穿收入
畫圖寓深意晴雪落水生玉煙我昔曾題夢硯圖

席子方
中丞有

夢硯
圖

舊游一夢春模糊嚴寒呵凍碾冰花爲君重賦玉蟾

蝮

梓潼道中

老柏參天倚翠微，託根典午是耶非。
虬枝雅似鐵如意，親見姚萇策馬歸。

沈景脩字汲民，號蒙叔，秀水人。咸豐辛酉拔貢，官壽昌教諭。有蒙廬詩存。

詩話：蒙叔潛擊聲詩，有讀國朝詩集百絕句，尤工書。圓勁虛和於良常，天瓶兩家爲近。又有論國朝書家八十首，譚復堂稱其揚摧而陳有知人論世之學。

出錢唐門尋舊日酒樓，蔓草荒煙絕無人跡。愴然有感。

新愁白髮三千丈，舊夢黃墟二十年。今日淒涼重過此，湖雲如絮柳如煙。

雨中過七里壩

蒼崖雲卧碧漪寒，千古江山託釣竿。
十里畫眉聲寂寂，一帆春雨過巖灘。

夕陽

山色塗金返照微，泥人擬望是斜暉。
桑榆尚有餘光戀，風雨能全晚景稀。
白板半敲漁網挂，青幘齊捲酒船歸。
癡心欲乞羲和手，繫住陽烏不使飛。

傅肇修字砥人，仙谿人。咸豐辛酉拔貢，有醉竹園詩集。

樵徑

朝穿半嶺雲，暮踏斜陽路。不覺負薪勞，歌聲破煙樹。

釣磯

蓑笠大乾坤，生涯一石存。雨餘人獨立，家在隔溪村。

吳國賢字玖芸嘉興人咸豐辛酉拔貢官泰順教諭有
蓮鷺雙谿舍詩鈔

讀晉書后妃傳

誣罔銅鑲負史才馬牛易姓至今猜若從太歲推圖識了
丑分明五馬來

何變衡山人咸豐辛酉拔貢

中秋夜游雙清亭

年年載酒滕王閣今夕登臨跡乍停吳楚千里共明月江
山四面此孤亭雲開絕徼通蠻郡波擁秋聲下洞庭夜靜
高樓憑眺久半天風語塔尖鈴

貴成字鏡泉杭州駐防蒙古旗人舉人官兵部郎中有
靈石山房詩草

感懷

柴門鎮掩劍頻磨歲月驚心電影過擬結名流今日少欲
吟好句古人多療貧無計空愁絕作事常乖奈命何不信
讀書偏誤我幾回搔首發悲歌

湖樓望雨

忽失來時景留人雨沛然山高雲截樹風捲水搖天雙塔
煙中鎖孤帆鏡裏懸湖樓吟好句千古屬坡仙

姚學程字景伊天津人舉人官遼陽學正有菊坪詩鈔
丙午除夕偶成

行蹤歷碌倦情加客裏遲旋北上車臘雪一番調節氣春
風十日換年華辭將舊歲迎新歲游徧山涯又水涯已有
歸期傳竹報閨中無待卜燈花

王晉之字竹舫蘄州人舉人有問青園詩草

詩話竹舫著有山居瑣言溝瀝私議等書
頗講農田水利之學游山諸詩工於寫景

登天台山

無窮奇境出直欲上天看到頂嫌山小回頭覺路難危厓
仙洞關怪石野花攢縱目峯南北河山勢鬱蟠

盤山

無心逢妙境翻喜路行差林外遠聞水溪邊猶有花斷雲
微露塔朽石漸成沙觸起游人興登臨力倍加

荒寺少人迹客來情倍濃樓高危跨石僧老健於松鳥語
醒晨夢山音續斷鐘崎嶇崖下路常有白雲封

鮑瑞駿字桐舟歙縣人舉人官山東知縣有桐華舸詩

鈔

造墨歌

昔人造墨燒古松今之焚膏毋乃同板屋松陰跨幽澗下

有流水鳴淙淙壁如蜂窠紙如幔參差鐙影紗籠中承鐙

以椀椀注水水與火濟凝煙濃液融鹿角香噴麝陰房疑

搗紅守宮塗脂從印燥不滓鎗金細字蟠蚪龍程君方魯

遺製效奚李厥貢後數曹家工曹素家傳古井清且冽云

與易水靈源通煙輕膠舊井華孕紫玉一笏隴廡空荒唐

誰說十萬杵杵以萬杵堅於銅尤其僞者滲以漆光則黝

然不可確羅家銀墨廣陵散色如碧葉秋來紅明羅小華製其色初

灰白久便如漆法不傳紫雪之精鬱靈氣明吳天章造與程西陂小

景撫吳淞宋牧仲西陂負賞爲國勅第再和之法亦一瞬

巴子安會搗古墨幾人猶弄吳綾封龍賓十二落誰手磨

人磨墨俱恩

和子年八兄讀唐書感事

吹角城頭變徵聲
朦朧海上劇縱橫
天留往歲吞吳恨
勢迫賢王許越成
請地欲營三窟狡
登壇疇令一軍驚
倉皇自趣潼關戰
遂使豺狼到兩京

叩馬何人亦急裝
延秋門外晚蒼涼
漏師遮莫憎回紇
召釁無端罷李綱
此日西風寒翠蓋
當時明月按霓裳
可憐火照驪山夜
白髮宮嬪殉上皇

行在傳聞賦子虛
游河巡洛此爻間
廟謀未定遷都議
天使猶勞諭蜀書
七校星霜遼海衛
九衢花柳島人居
誰知薦寢櫻桃熟
空盼清塵豹尾車

靈武旌旗劔閣回
都人流涕舊蓬萊
藏金不分輸驕鹵
貢

荔居然釀禍胎陌上銅駝叢棘滿市中玉匣劫灰來韶州
一祭情應悔其奈零鈴夜雨哀

笈甫藏有袁候臺瓦研屬作長歌紀之

銅雀臺瓦良研田此瓦乃在銅雀先色青而紫厚以寸池
窾半月漭松煙磨墨如暗欲雨潤瑟瑟綴若明珠懸諸花
香處呼璧友沈檀之匣銘詞鐫竹垞日以讎友瓦得毋考
據訛相沿文曰建安三年造斯時河北方炎炎袁曹兩雄
不相下土木何得興戈鋌吾聞南皮有臺二或者袁候之
遺塹當其虎視冀州日官渡未戰猶瓦全穹窿百尺用偵
敵吸盡兵氣歸陶甄相傳夜深發光怪異香騰作龍蜿蜒
野火燒殘敗苔漬爭墩一例言詹詹否則陳因太倉粟鳩
工適值浮瓜年區區胡椒且八百况乃瓴甌崇觀瞻五官

中郎敬愛客想見射雉同游收哀來樂往感絲竹金碧鱗
鱗輝畫檐不知何時琢爲硯殘膏一滴江湖霜宜城驛入
昌黎記景山贈賴歐公傳世間古物等飄瓦獲之奚翅真
珠船嗚呼人生安得如汝堅背有漢隸神宛然縉布紋深
尾則斷亦猶割據留山川袁家父子固豚犬曹家兄弟終
猜嫌流連香履有深意木妖早兆漳河堧知君好古自一
癖豈以人廢相鍼砭魏三祖集君所弄曩者漢上遭師燬
嗚呼一得一失皆前緣非此那伴君家氎會看滌筆記神
硯壓倒壽貴公侯韞

陳展雲字硯臬廣東鎮平人舉人官那馬知縣有抗古
堂詩集

樟山凹看雲作歌

我與流雲同上峯足所踏處雲皆封登臨絕頂一矯首萬
山脚底青冥濛擎雲樹老怒裂壁十丈蒼根絡奇石冒天
冠斗紛蔽虧雲縫坼開天一隙我從樹杪穿雲行天風梵
唄爭泉聲雲光白上滿襟袖時聞虎氣漫空腥初疑高唐
山神女方駕鶴巫山十二正朝行細縷一氣隨風落又疑
廬山中匡君驂蚪螭瀑布萬丈倒空瀉之而化作蒼龍飛
不然雲中君洞天正沈醉并刀亂剪瓊瑤英散作霞光恣
游戲不然葛稚川羅浮初鍊丹九轉鑪煙吹不滅至今下
界如飛綿萬峯合氣成一色放眼每愁天地窄同人咫尺
但聞聲細看一笑頭俱白忽訝身跳雪海中徧大地如金
在鎔忽驚身置盤古世誤入混沌吸元氣一雲纔縮一雲
伸一雲如主一雲賓一雲閒如丈人尊一雲忙如萬馬奔

小雲隨侍如兒孫數雲駢立如弟昆妍雲詭譎錦繡紋醜
雲礪磊狻猊蹲千百萬狀雲無定雲雲一氣相合併爲獅
爲象爲鳳麟爲鼓爲旗爲戈刃人出雲相觸人來雲相迎
松檜罅中雲慘漏峯巒缺處雲補平是皆神龍出沒互變
化掉尾騰擲紛縱橫我行十里日已暮風吹散作四山霧
歸來大笑謝山靈此行幾被雲吞去

懷仁里夜集同宋筱珩

說佛譚仙總渺茫萍蓬何地話行藏秋心半爲詩人瘦夜
漏偏於獨客長無用文如前歲歷大難身似逆風航年來
侘傺應同感謀隱何時薄祿償

舟夜

曠野風千里荒村月四更寒燈孤夜氣市語冷江聲吹燧

神魚舞翻波宿鷺驚山城何處是煙草不勝情

王伯潛水東寺院齋居

一水劃山入萬樹圍如屏樹杪露佛屋倒影臨波清栖霞
山畔草直到門前青不信巖花發六月猶唳鷺山深無夏
春日夕涼風生野花煙外飄隨風落檐楹閒鳥學書聲遙
答流泉鳴天香何處來尋之了無形時有樵夫至帶雨叩
柴荆坐久客亦返攜得秋光行

塵海

塵海勞勞百慮并貧求升斗亦人情便成仙佛何裨世欲
語文章厭近名風月有情聊對酒江山如夢獨長征爲憐
鐙火涼秋夜照到離人鬢影清

送顧紫峯出宰富川

此邦苦兵燹凋劫元氣荒撫循易爲力民也非無良如人
久羸飢一飯恩不忘士方高卧日自命何慨慷一朝得藉
手得喪縈中腸妻孥待温飽戚友希寵光一念繫蒼赤萬
念相低昂平昔書生志十九曾幾償我聞親民官如醫起
瘡疔痛癢不關切何以救膏肓世病方日深子其爲卓黃

晚晴謬詩匯卷一百五十七終